

ثلاث حكايات من بغداد

# قسمة ونصيب سبع جدور تقور الأم قنأة الياسمين والذهب

خضير عبد الأمير

قسمة ونصيب

1972/3/10

اكو فد تاجر ما عنده احد غير بنته ومرته ، دنه على التاجر الموت  
ومات ، ظلت البنية والمره . هنى المره تضرب تحت رمل . تفرش  
السجاده وتصلي ، تتوسل بربهه وتباوع بالكتب اتشوف العبد مالها ياخذ  
بتنه . تتعوذ من الشيطان تصلي وتكعد ثاني يوم تباوع ، اتشوف العبد  
ياخذ بتنه . گالت هاي مو چاره ، لازم اخلص منه . گلتله للعبد تعال ،  
أريد أدرك بشغل تروح ؟ گلهه بلي بيبي اروح ، آني بامرچ .

گلتله اريدك تروح على عين الشمس وتگللله ، ياعين الشمس بت  
اغاتي نصييمن ، او ترجع .

ت ١٠ ش / ع ١٠ / س ٣ / ١٩٧٢

سوتله متاع اوخله ومشه ، اووه مشكاف اولايات اوميدري وين

• ايروح ومنين ايفوت

• شاف على طريقه عوه ديشي فد واحد بيده السر بس ويسر بس

جا يمه گله سلام، جاوبه عليك السلام

• گله هاي شتو هل اللروب ؟ گله هذا درب الصد ما رد وهذا درب الحريق ، وهذا درب الضريق ، انت منين يعجبك افوت ؟ ، اتته وين رايح ؟

• گله آني رايح اگله العين الشمس : بنت اغاتي نصيمين

• گله بس داوصيك ، گله العين الشمس چم درب هذه كاعد ايسر بس

• مشه دي ، دي ، جا شاف واحد ايگص الزرع الاخضر واليابس ويذبه بالاي

• سلام .. عليك السلام

• گله اخي وين رايح

• گله آني رايح اگله العين الشمس ، بنت اغاتي نصيمين

• گله بس گله العين الشمس

• ميخالف

• سميچه طايفة

• گلتله وين رايح

• گله رايح العين الشمس اگله بنت اغاتي نصيمين

• گلتله انتة منين تفوت گله ما ادري ، گلتله آني اعبرك على ظهري واذاك بذاك الصوب ، او من توصل گله العين الشمس ، ليش هاي

• السميچه طايفة

• گله ميخالف

• عبرته او گلتله آني دانظرك حته من تجي اعبرك

• مشه ، مشه ، مشه ، شاف عين الشمس اول ما گله يا عين الشمس بنت اغاتي نصيمين • بنت اغاتي نصيمين ، نصيک ، نصيک

• نصيک

• گله بس هذه الاي ايسر بس وصاني او گلي • گله العين الشمس

• چم درب ايسر بس

• گلتله هذا ايسر بس الليل والنهار وهذا شغله لالابد گله زين بس

• هذا اليحصد الاخضر واليابس ويذبه بالاي چم درب ييقه • گلتله هذه ايموت

الشايب ويموت الجاهل ، الشايب يابس والاخضر جاهل ، هذه شغله .  
گلله بعد عندي وصيه لئح .  
گلته گول .

گلله بس هاي السمچه ليش متغطس  
گلته خل اتعبرك اولمن توصل اضربهه على ظهرهه هسه تزوع درة  
أوتغطس ، والدرة اخذهه الك .  
واكو حواض ثلاثة بفلان مكان افلان صفحه .  
اطمس ابواحد تطلع ابيض مثل الفضة ، والباقي بيهن ذهب اومان  
اخذهن اوروح .

اومثل مكالته سوه .  
طلع ابيض ورد والاموال وياه اوكلهه شدهه على بغال تمشي اوجا  
ابيت اغاته .

وراه الناس يتفرجون . دخل البيت اتعجبت الام او معرفته . گالت  
هذا لازم ابن عم بنتي چان ابغير ولاية اوسمع عمه مات واجه .  
بقه عدهم ضيف وطول هلمده مسألله ولا سألته . وبالتالي گلتهه يابه  
متريد لبنيه گلله كيفچ . جهزو وعزمت التريده اوگطعوا مهرهه اودوهه  
للحمام اوصارت ليلة العرس .

طبدو العريس ، ابيض متعرفه بعد . صار مثل الوفر . هيه گاعده  
العروس اوهوه اتچتف على راسهه اووگف وگال .

يا بنت سيدي ، يا بنت اغاتي آمريلي بالجلوس اجلس . هيه ساكته  
مگالت شي لاكن تالي گالت خل دا اگله اجلس .

التفتت عليه اوگلته اجلس .  
گعد .

گلتهه انت ليش هيچي انگلي .  
گلله آني افلان العبد مالكم ، وامچ دزتني على عين الشمس .  
صفتت بعدين گلتهه : الي گتلي ، بعد لتگوله الكل احد ابدا .  
اخذتهه حجرة بالخان اوگام ايبيع ويشتري وگالت قسمه ونصيب .